ADVERTISSEMENT AVX TROIS 13.88

Estats de France assemblez en la Ville de Blois, pour obtenir de sa Maiesté l'interpretation d'vne close de son dernier Edict de reunionfaulsement exposee par les heretiques & politiques leurs associez.

M. D. LXXXVIII.

MEC \$3-101(13)

TAXXXX

The second of the second of the

ADVERTISSEMENT

aux trois Estats de France, assemblez en la Ville de Blois, pour obtenir de sa Maiesté l'interpretation d'une close de son dernier Edict de reunion faulsement exposee par les heretiques, et politiques leurs associés.

Esseurs entre les principales & plus remarquables actions de nostre vie, ll y en a vne qui merite d'estre nommee la Royne de nos actions, qui est l'vnion & confederation que nous auons iuree solemnellemet à Dieu en postre Baptesme, & la promesse que nous auos faicte de garder inuiolablement sidelité & loyauté à nostre Sauueur

Iesus Christ, & à son Eglise. Et bien que ladicte promesse ayt esté faicte en terre. Cy est ce qu'elle est escripte & insinuce és registres eternels qui sont au Ciel, desquels elle ne se peut effacer & à laquelle il n'est loisible de correuenir, quelque cosideratio humaine qui le presente. Aussi est ce la premiere paction de toutes nos pactions, & le premier serment de tous nos sermens, lequelpartant doit estre executé deuant toutes choses: car quelque Convention posterieure de respect & fidelité que nous ay os aux Princes de la vie : si est - ce qu'elles ne sont aucunement considerables, ny comparables à ce haut, & excellent serment de fidelité, iurce à Dieu, & qui emporte tout, soit pour la dignité des choses, soit pour la grandeur des personnes qui contractent

par ce sermét. Nos ames (qui est la plus noble partie de nous) espousent le Ciel & viennent auec embrassemens heureux en la chaste couche de leurs gratieux espoux. Iesus Christ. Nos esprits se mariene à vne pure, vnique & pudique religion Catholique auec l'anneau de fidelité & soubz le voile d'vne perpetuelle, & nullement perissable obeissance, & comme nous entrons en ceste vnion& confederatio auec Dieu: aussi dict Sainct Paul, toutes nations y entrent, soit Latins, Grecz, Hebrieux, François, Espagnols, Italiens, & Anglois, Rois & vassaux, Maistres & seruiteurs, libres & esclaues, & toutes qualitez & coditions d'hommes: De sorte que lors que l'agist de l'entretenement de ce serment de fidelité, contre ceux qui en sont infracteurs, Dieu

A iij

veut que toutes nations & tous cofederez s'assemblent, s'vnissent & se recognoissent, & d'vn mutuel accord & consentement se bandent contre ces lasches ames & desloyales, qui deserteurs de leur foy & religion par vne perfidie intollerable, soit ouuertement, soit couuertement, s'esseuent contre l'Eglile, & contreuiennent aux honnora. bles conventions par cux iurces. C'est pour quoy Sain & Paul dict que nous sommes tous appellez pour entrer en ceste ligue & confederation, & que sainctlean nous inuite de nous y ioindre auec Dieu le pere & son fils Iesus Christ chef & autheur de ceste vnion. A ceste occasió vn Catholique ayant faict leur vnio pour s'opposer aux iniustes & perfides associations des heretiques. Le Roy vrayment prince

treschrestien, bruslant de l'amour du Dieu viuant, & zelé d'vn sainct zelea promis par l'Edictpublic leur vnion, laquelle d'abondant il desire jurer & confirmer par les Estats. & en faire vne loy fondamétale en ceRoyaume, qui est rtes vn traict de prudence singuliere, & digne de sa Maieste treschrestienne, estant cest Edict l'esperance de nostre salut, l'honneur de l'Eglise, l'ornemet de sanoblesse, le repos de so pauure peuple. Car estant iuré selo que desia il a esté iuré & aux termes ausquels il est conceu & selon la iuste & droicte intentio des Catholiques il ne se peut rien dire de meilleur, rien de plussain & rie de plus equitable. Maisil se fault bien donner de garde que les partisans de l'heresiene s'efforcet de l'alterer de sa sincerité, soit par closes nounelles

A iiij

soit par interpretations artificielles qui viennent à corrompre & changer la vraye & naturelle substance de cest Edict & ne fault doubter qu'ils n'y employent tous leurs esprits ny bandent tous leurs nerfs puisque en ce seul Edict iuré& obserué leur ruyne est enueloppee & qu'ils voient naistre en luy les premiers tiges de leur honte & confusion. Pour ceste considération ils s'arrestent sur vne close del'Edict par laquelle les Catholiques reno. cent à toutes associatios faictes soit dedans soit dehors le Royaume, & disent que leur vnio est esteinte, escarree & dissipee par cest Edict d'vnion, & qu'il n'en reste que le nom& le promettet de faire declarer à l'aduenir crimineux de leze Maiesté tous les Catholiques qui demeuteront vnis ou qui seruiront

pour la cause de Dieu, contre les heretiques qui est chose si essongnee de toute raison & iustice & de droicte intention de ceux qui ont faict l'Edict d'vnion que rien ne se peult dire d'auantage. Car quelle apparence y auroit-il que l'vnion des Catholiques fust estain cte subsistat encores la detestable association des heretiques, quelle inegalité en la France, en vn Royaume treschrestien & soubs vn prince treschrestien, que les Chresties sideles seruiteurs& amis de Iesus Christ perdissent leur vnió & que les heretiques enfans de Sathan race de Sodome & Gomorrhe generation peruerse & digne de perpetuel op= probre & reprobation, demourafsent associez vnis & armez à l'oppression de Dieu & de son Eglise, y a il regles en la nature ouen la iu-

stice ou en la religió qui permette q les meschans soient asseurez & que les bons demeurent abandonnez à la rage des vicieux, voire des plus barbares & furieux tyrans qui soiet au monde, qu'est ce autre chosefaire que d'esarmer le Ciel & fortifier l'éfer faire guerre à Dieu, & seruir aux diables, confondre ce pauure Royaume soubz la publicatio d'vn Edict, & soubz vne fauce interpretatio d'yn si bon & sainct Edict introduire le coble de tousles maux en ce Royaume. Declarez doques & faites que tous entendent claire. met ceste close d'Edict de laquelle on veut pernicieusement abuser correvo & differez desteidre l'vnio lors que les heretiques seront totalement perduz par les iustes armes de nostre iuste prince &ne souffrez que ceste association ou vous auez

tant sue & trauaillé & ou l'on vous a tant & si long temps trauersez demeure perdue & ruinee soubs le traict de trois ou quatre parolles mal entédues, & que envn coup de plume vous perdiez tout ce que vousauez conquis par les forces de vos corps & de vos esprits. Autrement proposez vous que l'on vous faict le chemin pour vous trainer aux gibers & aux supplices comme criminels de leze Maiesté qui est vne des choses qu'en ce miserable fiecle les heretiques ont le plus cher ché contre les Catholiques que s'ils vouloient pretendre que par l'extinction de vostre vnion le Roy demeureroit en plus d'asseurance auec ses subiets c'est se tromper du tout que de se dessier des Catholiques de qui les esprits, le cœur & la volonté ne tend qu'au seruice de

Dieu à l'obeissance du Roy & au proffit & vtilité du Royaume. Neantmoins quand telle déssiance seroit entree au cœur du Roy ce qu'ils ne croiet point & n'y a aucune apparéce dele croire, ils protesteront tousiours à sa Maieste & iureront par le mesme Edict de perpetuellement & fidellementle seruir, obeir & dessendre cotre toutes personnes telles qu'elles soient & de quelque coditio qu'elles soiét sereputás heureux comme ilssont declairez par l'Edict d'éploier leurs biens, leurs honneurs & leurs vies à la conferuation d'unprince duquel la voloté &les actios ne tédrot qu'à l'étiere subuersion des heretiques. Car si nous nous deportons de l'vnion que nous auons ensemble à la defféce de la religió & que le Roy cesse de la deffendre disant que son

intention seroit bien de poursuiure mais que la necessité le pressant il est contrainct de venir malgré luy à la paix auec les heretiques c'est à dire presitios vien d'asseurace chabres miparties & tous nos vieils malheurs ensemble, come il est aduenu souuent & qu'apres auoir fait quelque semblable credit nous demeurions vng an, deux & trois fans intelligence, sans pratique, sans ligue entre nous Catholiques. Qui gardera le Roy de Nauarre de venir à la Couronne si le Roy vient lors a mourir fans enfans, dequoy nous aura seruy nostre loy fondamentale?qui la mettra lors à execution?qui empeschera la confiscatió du téporel de l'Eglise? qui garâtira les Catholiques dela persecutió, qui respondra pour les deputez qu'ils, ne soient decapitez s'ils sont accusez d'auoir demandé l'exclusion de celuy qui aura tout en sapossession, que deuiendra la religion? que deuiendront les gens de bien? Mais le Roy direz vous ne fera pas la paix que les heretiques ne soient ruynez & nous voulons bien estre escartelez & bruslez si nous auons intelligence ou cofederation apresla ruyne des heretiques. Mais l'heresie estat debout le Roy de Nauarre mesnageat ses pretétios iniustes&meschants dessains pourra appeller autant d'Allemas & de Suisses que nous en auons veu depuis vn an en France, & qui est le deserteur de sa patrie & proditeur de sa religion sino celuy qui abandonne sa ligue pour l'appuy de la foy contre les euenemens si apparens & si redoutables de la gradeur des heretiques. Il suffira peult estre de s'opposer à

la paix quand on la verra faire & auec quoy s'opposer auec vne intelligence dissipee auec vne cause que nous auros nous mesme codapnee Nous auos receu le Roy pour chef à nostre vnion & tous les Catholiques de ce Royaume ses subiets,& voulons bien encores sa maiesté pour general & souuerain, & tous Catholiques pour freres & copagnos. Mais que nous ayons voulu nous reunirpour aneantir nostre vnion, la nature de la chôse & l'obligation de nos sermens & la consequéce remarquee cy dessus ne le peult souffrir enfaçonquelconque, & ne sut iamais telle nostre intention, tout au contraire de l'appuyer fortifier & accroistre soubs l'autho rité zele & assistace de sadicte Maiesté. On dira que c'est vne loy fondamétale en vn estat de n'auoirau-

cuneligue sans la permissio duRoy. Mais l'on respondque si la loy fondamétale d'vn estat entre Chrestiés est la vraye religion, come de fai& elle est & qui en doute est en grand erreur&indigne du no deChrestie. & si la subuersion sinale d'iceluy est l'heresie& religion comme l'experiece nous la appris à nostre grad regret& malheur.Il s'ensuit que de n'oser pour chasser le bien de la Religion sans permission c'estfaire fodemet de n'oserdessendre le sondement de sa foy & sa patrie, & que le bien souverain de nos ames qui est la religion perira s'il ne plaist au prince de la conseruer, qui seroit proprement asseruir le Ciel à la Terre, & Dieu aux hommes & faire qu'vn si grand bien qui se done de Dieu aux pauures, sans le ministere des princes ne se pourroit ny receuoir

receuoir ny coseruer sans les princes, qui seroit indignemet restraindre la boté & puissace du tout puissant&bié que par sa grace ne soyos en ces termes, ayant, vn Roy treschrestien, & Catholique & qui pour mieux nous asseurerdeson zeles est vny auec nous & iure l'extirpation de l'heresie: si est ce que nous seros contraints de parler ainsi pour la verité de la chose en soy, affin de ferrer la boucheaux mesdisances de nos aduersaires & ennemis. Car c'est chose notoireque pour la deffence de la vraye foy & religion lo se peut liguer, croiser, armer sans la volonté du prince. Car nous serons plus obligez d'obeyr à Dieu, qu'aux homes, atteduque nous ne leur deuons respect & obeissance sinon pour l'amour de luy. Que si lon dit que c'est au Roy seul à chasser

l'heresie. On respond qu'ayant l'Eglise condamné vne heresie & comandé qu'elle soit extirpee pour l'ordre, à la verité l'execution appartient en premier lieu aux Roys, & souuerains: Mais au cas qu'on ne face le deuoir sine faut il attendre ains medicamenter soudainement la playe, coupper la chair morte & pourchasser la garison : car autrement tout le corps periroit. On demanderoit volontiers quand le feu est prins en vne maison si lon attédroit d'y ietter de l'eau que le magi, strat l'eust permis & celuy qui a lagarde des seaux de la ville, & le soin de la police. On estimeroit folceluy qui attendroit en vn peril ou la demeure est de si dangereuse co. sequéce. & pour ceque l'heresie est. vn poison prompt & soudain & vn acoint furicux: il faut aussi soudai-

nement y apporter le remede que le mal est soudain & violent :ioin & que les choses iustes ne se doibuent demander : ains se doibuent faire mais le Roy dira-on a plus d'interestau malqfot lesheretiquesqu'autres personnes de son Royaume, il est vray que pour la perte des biens temporels come heritages, possessions, finances, villes; & chasteaux, cela le touche plus que nous autres mais pour le regard des biens spirituels de la foy, de la Religió, des sacremes, du salut de nos ames, chacũ y a interest en particulier, & tout le public&la chrestieté en general, &partantse doiuent tous employer. d'vn commun accord pour les conseruer & defédre neantmoins si on pouuoit nous doner tel le asseurance de la ruyne des heretiques, que nous en peussions reposer surautres

C ij

que sur nous mesmes, il seroit supportable de nous prohiber toute inrelligence & ynio, mais estant chose qui ne se peut asseurer, qui peut changer ou sur vne promesse conditionée & tant ou plus sur vne vie mortelle il n'est pas raisonnable de nous extorquer les moyésque natu re nous laisse pour dessendre la loy de nostre Dieu, quand nostre Roy nous viendroit a manquer, ou par changement, oupar contraincte, ou par mort.Lon dict contentez vous qu'il fera ce qu'il pourra nous disos que sa maiesté se contente qu'auec luy & apres luy nous facions ce que nous pourrons Car le temps d'abandonner la deffence de sa foy, c'est alors seulement que lon abandonne sa vie. Plustost donc que aux heretiques demeure leurs pratis ques, leur bouche, leur intelligence,

leur repos, leur liberté, leurs pretensiós & dailleurs leurs Reistres, leurs Allemans & les moyens de paruenir à leurs desseings, & qu'aux Catholiques l'vnion pour y resister quand leRoy auroit mal, soitdes-àpresent interdit. Mourons Chrestiens, mourons Catholiques, de bonne heure mourons, si lon veut plustost condamnez de rebellion au iugement de quelques politiques que conuaincuz en nos ames dereligion dauoir manqué de nous opposer par toutes voies aux heretiques, mourons deuant que de voir mourir nostre foy, mouros, car aussi bien nous n'emportons rien en mourant, que nous ne reservions, si nous viuons à la disposition des heretiques, à son honneur & vie: mais en mourantn'oublions pas de mener mourir nos enfans auecques nous, depeurque en leur laissant ceste vie il ne soiét par la domination. heretique conduits à la mort & condamnation eternelle.

FIN.

SOUTH TO STORY OF THE SOURCE

The second control of



